

中國文學精華

近代文評註讀本

下冊


民國廿五年八月發行
民國三十年一月四版

中國文學精華

近代文評註讀本 (全三冊)

上海實售中儲券二十七元五角

(郵運匯費另加)



輯注者 中華書局

發行者 中華書局有限公司
代表人 路錫三

印刷者 上海美商永寧有限公司

總發行處 昆明中華書局發行所

分發行處 各埠中華書局

近代文評註讀本卷三

碑誌

吳蓮舟墓誌銘

施補華

君少年美丰儀，與人溫溫無所忤，然甚有膽智。今上元年五月，湖州城陷，君歸自上海，謬與賊渠交結，久之，持賊兵符入城，取其家屬以出；已而徧習城中賊渠，出入戶闔，凡湖人子女陷於賊者，或以財贖，或以計取，拯人若嗜欲，無所利而爲之，屢瀕於危，能以智免。自五月盡八月，賴以出者幾千人，而君遂病，病二年竟卒，年二十六。一子名拾得，外婦某氏出也，踰年亦殞。

於是湖人之論者，謂活千人者有封，君活人若此，謙不自有，而三四年間，父子繼殞，同殞是謂無天道矣。嗚呼噫嘻！是烏足以識天道耶？衆萬之生，強起而弱滅，

巧勝而拙負，相吞相搏，且數百年。偏至不平之氣，凝沍固結，如久陰未雨，而喜淫好殺，餘罪未治者，又不可勝數。天怒甚矣，特驅之以餌賊，羊之豕之，斟音之斧之。君顧奪之礎斧之間，而置之衽席，雖甚盛德，不足以洩天怒也。天怒無所泄，則移其怒以怒之。古者豪傑之士，非其時而拯其變，動與禍會，未始不如是，君猶其小者耳。然君死而湖人哭之哀，至於蓄疑致忿，不解其故於天，是亦行善之一效也。無憾於人事可矣，天道豈易求哉！

君諱元吉，字蓮舟，烏程吳氏，葬於縣南衡山之原。其後十年，友人施補華始爲之誌，埋之墓側。銘曰：

雷霆擊物怒未止，抗手相援震而死。嗚呼吳君怨誰氏！
衆萬一段，得力介甫。

【註釋】

【溫溫】和柔貌。（詩）溫溫恭人。

【今上】謂穆宗也。

【湖州上海】並見前。

【賊渠】謂僞堵王黃文金，僞王

譚體元。

【礎斧】礎，質與斧鉞，戮人之具也。【衡山】在今吳興縣南少西十八里。

李孝子碑文

諸福坤

字元簡，江蘇長洲人，有杏庵文鈔。

咸豐十年閏三月，江南大營潰，粵寇東竄，烽火達浙西。四月十三日，蘇垣猝陷，百姓塗炭，殉難者以數萬計。是時李孝子涌寓居史家巷，方侍奉其父母，賊至，虜孝子去。僞忠王李秀成見而異之，且聞其才，將獻金陵洪逆，以八髮賊監送，舟出閶門，泊山塘，八賊相繼登岸。孝子語舟子欲舟乎？曰唯！盍衣我微服，若飛棹去，遂各逸。孝子徘徊注念久之，翻然入城，求其父母。或告曰：『爾父被俘去金陵，爾母息耗無所聞。』則大慟，遇其故人子徐子雲，相依處。未幾，賊令縱城民去，孝子偕徐出，欲西，被賊遏回，乃止山塘。有忠會所親賊偵識孝子，執去，遂泣別徐。至，忠會好言誘曰：『爾何遁？以爾才，貢我主，顯富一瞬耳，爾何遁？』孝子曰：『遁而回求父母。』曰：『今天下骨肉誰能相保者？』語未畢，孝子大罵曰：『皆由汝等逆』

賊，我肯媚逆賊耶？」忠酋恚，聲委去趣促通殺之，披其衿，得其所繪畫父母像一帙，時六月初一日也。

同治三年，寇平，萍鄉劉九疇爲傳文，刻石於翼宿殿。今年徐子雲函示逸事，且曰：「孝子幼貧，習伶，顧通敏雅尚，善貌畫人物，所與遊皆知名士。署按察使司朱公鈞服其賢，欲禮致幕下，以他故辭。歲入所藝金千，悉奉父母。其妻從請月錢，止五百。有兩弟未婚，孝子請於父母曰：「膝下落漠，弟娶，增抱孫樂，兩大人且慮弟各未易俯畜耶？」兒所入足兼濟，若兩新媳，日給如吾妻，門戶一聽兩大人主，何慮爲！」父母俞之，禮未成，及於難。父某，業衣工，以孝子養棄去。」孝子字湘舟，長洲冶長涇人，子一。

余乃嘆古來慨抗甘義，未有不根於恆行。行莫大於孝，孝莫切於義爲歸，若李涌者，洵無愧焉！乃撰李孝子碑文以輔劉傳，而系詞以弔之曰：

噓晷慘兮壞雲漫，天矚豁兮脾判音肝膽。首雖離兮心炯丹，握仁正命兮真氣。

灝蟠，帝坐驚兮鬼神嘆。卓爾伶兮卑儒冠，斑斕兮血衫，慈顏兮雙緘。魂闖浩虛兮下睇^{音梯}，眇眇兮生民歎。生我育我兮恩何饒？上昊下搏兮巍闕銜，庶幾一見兮^同龍繆^{音衫}。奠余醑^{粟語切}兮椒芳，薦予款兮瑰章，氛息廿載兮天地光，眷靈懷兮涕淚滂。前無極兮後荒茫，砥性蠱節兮靈與頡頏，完我天兮埏之綱。敘述清晰，韻語古奧。

【註釋】【江南大營潰】洪楊自粵而下入南京，向榮爲大帥，自後追之，即駐於城外，至是兵潰。【塗炭】（書）有夏昏德，民墜塗炭。按言民困之苦，如在泥塗炭火之中也。

【李秀成】本名以文，廣西藤縣新旺村人，從洪秀全起兵，封忠王，改名秀成。

【金陵】今南京，戰國時爲楚之金陵邑，洪氏踞之，號曰天京。

【閩門】吳縣城西北門也。

【山塘】在閩門外虎丘山下。

【微

服】更變常服，不使人知也。（孟子）孔子微服而過宋。

【息耗】消息也。

【恚】怒也。

【萍鄉】縣名，今屬江西省。

【落漠

猶言寂寞。

【俯畜】（孟子）仰足以事父母，俯足以畜妻子。

【俞】應詞。

【長洲】縣名，今與元和吳縣同併爲吳縣。

【胖

分也。【睇】目小視也。【醑】美酒也。

皇清誥授光祿大夫贈太傅武英殿大學士兩江總督一等毅勇

侯曾文正公神道碑

吳汝綸

代李鴻章作

聖清受命二百載，有相曰曾公，始以儒業事宣宗皇帝，入翰林，七遷而爲禮部侍郎。文宗御極，正色直諫，多大臣之言。咸豐二年，以母憂歸湘鄉，遂起鄉兵討賊。自宣宗時，天下艾又同安，內外弛備，於是西人始通中國，海上多事。未幾而廣西羣盜起，大亂以興。及此年，放兵東出，攻長沙不克，遂渡洞庭，陷武昌，循江而下，所過摧靡。而是時天下兵大抵情窳欲乳切，恒音怯，不可復用，諸老將盡死，爲吏者不習戰陣。公既歸，天子詔公治團練長沙。公曰：『金革之事，其敢有避？』因奏言團練不食於官，緩急不可恃，請就其鄉團丁千人，募爲官勇，教以兵法，束伍練技，號曰湘軍。湘軍之名自此始。明年，益募人三千，解南昌之圍。是時賊已陷金陵，踞之，掠民艘音蕭巨萬，縱橫大江中。於是議創舟師，製船鑄砲，選將練卒，教習水戰。天子

嘉之。湘軍水師，由此起矣。四年，成軍東討，初戰再失利，未幾大捷湘潭，以師不全勝，上疏自劾。已而克岳州，下武昌，大破田家鎮，斷橫江鐵鎖，乘勝圍九江，進規湖口。當是時，湘軍威名振天下。會水師陷入彭蠡湖，鄂帥喪師，武昌再失。公曰：『武昌據長江上游，必爭之地也。』急檄湖北按察使胡公林翼帥偏師西援，不克，則悉銳師繼之，而自留江西，督攻九江。已而悍賊石達開等，分道犯江西，破郡縣六十餘城。公上疏自劾，卒以孤軍堅拒死守，賊不得逞。六年，胡公等復武昌。明年，拔九江，軍威復振。公治軍謀定後動，折而不撓，堅如金石，重如山岳，諸將化之，雖離公遠出，皆遵守約束不變。自九江未拔，諸軍已略定江西郡縣矣。公以父憂歸，累詔起復視師，不出。既逾小祥，始奉命援浙江。是時，公軍爲天下勁旅，四方有警，爭乞公赴援。南則浙閩，西則蜀，北則淮甸，皆遙恃公軍爲固，慮旌旗他指。天子亦屢詔公規畫全勢，視緩急輕重去就之。公曰：『謀金陵者必據上游，法當舍枝葉，圖本根，遂建議三道規皖。』咸豐十年，蘇浙淪陷，朝廷憂之，以公總制江南，趨詔公東兵。

而公卒不棄皖，以失上游。是年西夷內犯，定和議而罷兵。十一年，公既克安慶，乃分道出師，大舉東下。於是公弟浙江巡撫國荃，以湘軍緣大江下金陵；令陝甘總督左公宗棠，以楚軍抵衢州，援浙江；某以淮軍出上海，規蘇常；水師中江而下，爲陸軍聲援。同治三年，江浙以次戡_堪定，而公弟等亦攻拔金陵僞都。自公初出師，至是十有三年。粵賊平，東南大定，論功以協辦大學士封一等毅勇侯。開國以來，文臣封侯自公始。

公既平東南，威震方夏，名聞外國。會忠親王僧格林沁戰沒於曹廷，議以公北討流寇。是時公所部湘軍，皆已散還湖南矣。既一年，以病乞休，有詔還鎮江南，中外大事，皆就決之。公所謀議，思慮深遠，進規中原，議築長牆，以制流寇；策西事，議清甘肅而後出關；籌滇黔，議以蜀湘兩省爲根本，皆初立一議，數年之後，事之成否，卒如其說，而馭夷爲尤著云。

初，咸豐三年，金陵始陷，米利堅人嘗謁江南帥，願以夷兵助戰。十一年，和議

既成，俄羅斯、米利堅皆請以兵來助，公議以爲宜嘉其效順，而緩其師期。及同治元年，英吉利、法蘭西又以爲請，公又議以爲宜申大義以謝之，陳利害以勸之，皆報可。廷議購夷船，公力贊之，比船至，欲用夷將，則議寢其事。其後自募工寫夷船之制，近似之，遂議開局製造，自是外洋機器輪舟夷砲，中國頗得其要領矣。六年，詔中外大臣籌和議利害，可許不可許。公議以爲其爭彼我之虛儀者許之，其奪吾民之生計者勿許也。移直隸總督，天津民有擻巧去聲殺法蘭西領事官者，法人訟之朝，天子慰解之。法人固爭，有詔備兵以待。公曰：『百姓小忿，不足肇邊釁。』從之。而密議儲將練兵，設方略甚備。先是公以積勞成疾，至是疾益劇，會江南闕帥，上知公有疾，念南洋馭夷事任絕重，度非公不可，遂命還江南臥治之。至則經營遠略益勤。既一年，疾甚，同治十一年二月某甲子，遂薨於位。官至武英殿大學士，享年六十有二。遺疏入，天子震悼，傳音賜有加，贈太傅，諡文正。

公諱某，字滌生，世爲湖南湘鄉人。曾祖竟希，祖玉屏，父縣學生麟書，三世皆

以公貴封光祿大夫。曾祖妣彭氏，祖妣王氏，妣江氏，皆封一品夫人。夫人衡陽歐陽氏，生男二人：紀澤，蔭生，官戶部員外郎，襲爵爲侯；紀鴻，附貢生。孫三人：廣鈞，廣鎔，廣銓，皆幼。公既薨，紀鴻，廣鈞，皆賜舉人，廣鎔，廣銓，皆賜員外郎，廣銓，廣鎔，皆賜主事。女五人，皆適士族。

公爲學研究義理，精通訓詁，爲文效法韓歐，而附益之以漢賦之氣體。其學問宗旨，以禮爲歸，嘗曰：『古無所謂經世之學也，學禮而已。』於古今聖哲，自文周、孔孟，下逮國朝顧炎武、秦蕙田、姚鼐、王念孫諸儒，取三十有二人，圖其象而師事之。自文章政事外，大抵皆禮家言。嘗謂聖人者，自天地萬物推極之至一室米鹽，無不條而理之。又嘗慨古禮殘闕，無軍禮，軍禮要自有專篇細目，如戚元敬氏所紀者。若公所定營規營制，參酌古法，辨明等威，其於軍禮，庶幾近之。至其論議規畫，秩序井井，經緯乎萬變，條理乎巨細，其素所蘊蓄然也。喪歸湖南，營葬於善化縣某鄉某原。某少從公問學，又相從於軍旅，與聞公謀國之大者，乃爲文刻其

墓道之碑。銘曰：

於音鳥鑠式酌切

皇清！世載聖武，萬夷震疊，匪臣伊主。歷載二百，極熾而屯，孰排

其紛？厥唯宗臣。功與時會，其成則天，唯公之興。事乃異前，國有舊旅，雲屯星羅，公

曰：竊矣，汰之則那。

諸裁切

帥率同我萌隸，敵愾同仇，舍其鉏鋤同耰優音，來事戈矛。厥初孤

立，百挫不懾，天日可格，鬼神爲泣。持己所學，陶鑄羣倫，壅培浸灌，爲國得人。孰任

鉅艱？

完音

印使帥，孰以節死？孰成孰敗？決之於微，卒驗不爽。朝廷乏人，取之公旁，

始詔求賢：江以薦起，繼才胡公，勝已十倍。陸軍諸將，首塔羅王，二李繼之，水則彭

楊。皆公所識，拔於風塵，知人之鑒，竝世無倫。萬衆一心，貫虹食昴，終奠九土，殄北步

切此狂醜。事以大畢，乃謀於海，益我之長，奪彼所恃。動如雷霆，靜守其雌，內圖自

強，外羈縻之。默運方寸，極九萬里，人謂公怯，曰：吾過矣！式蛙嘗膽，以生以訓。大勛

宜就，胡棄而殞？道光季世，夷始恩我，內患乘之，燎原觀火。彼睨吾旁，雌雄首尾，曰：

敵可乘，附耳同起。夷齧其外，寇訐洪音其內，不有我公，嘻甚矣！憊維昔相臣，佐治以

文，武功之盛，則由聖人留都開基，三藩定變，新疆外拓，川楚內奠，四夷奔走，唯恐在後。皆秉聖謨，羣臣拱手。公起詞臣，以安以攘。天子虛己，曰汝予匡。相業之隆，近古無有，開物成務，是謂不朽。退之有言：衡爲岳宗，扶輿旁魄，鬱積必鍾。後千百年，降神堯堯，我銘不訛，徒了以配崧高。

先生在幕中久習於文正，故能指陳其大，文字嚴重，亦得漢京之氣體。

【註釋】【宣宗】名旻寧，仁宗子，在位二十九年，年號道光。【文宗】名奕訢，宣宗子，在位十一年，年號咸豐。【湘鄉】縣名，

屬湖南。【廣西羣盜】指太平軍洪秀全等也。道光三十年六月，秀全等始起事於廣西桂平縣金田村。【放兵四句】（黎

庶昌曾太傅毅勇侯別傳）咸豐二年，賊出永安，圍桂林，陷道州、郴州，至益陽，折臨資口，大掠民船，浮洞庭而東。岳州、漢陽、武昌俱失守。

【憤竄】懶惰無用也。【恒怯】畏縮也。【解南昌圍】時太平軍進攻南昌，清江忠源聞警，率師由九江踰四百里，奔入南

昌，翌日寇至，則設施略備，上下恃以無恐，敵晝夜環攻，凡九十餘日而圍解。【初戰再失利】（別傳）四年春，號召水陸萬人，將而

東征，水師初出湖，即爲風所摧敗。陸軍至岳州，前隊遇賊，潰退入城。公率戰船拔出之，不利，引還長沙。賊陷湘潭，再邀擊之，靖港又敗。

【大捷湘潭】（別傳）後數日，塔齊布公大破賊湘潭，軍心始定。公營長沙高峯寺，重整軍實。【克岳州六句】（別傳）武昌再

失，公復引兵趨岳州，連戰下城陵磯，會師金口，諸將胡公林翼、羅公澤南、塔齊布公、李公續賓、楊公載福、彭公玉麟皆屬焉。於是進兵圍

湖北，公令羅公攻華園，塔公攻洪山，武昌漢陽賊聞兵大至，皆遁，遂復兩城，順流而東，所過戰克，大破之，田家鎮，斫斷半壁山橫江鐵鎖，

至於九江。【水師陷入彭蠡湖】彭蠡，即鄱陽湖。（別傳）水師深驕，賊營湖口梅家洲，攻之不下，舍去，遂利入鄱陽湖，未反，而賊

夜柵斷湖口，塞其後路，不得出，外江戰船，大爲賊所襲，焚燒數十百艘，公走羅澤南軍，以免，退屯九江，於是外江內湖，水師分矣。【武

昌再失】（別傳）賊由小池口渡江西上，再陷武漢。【石達開】廣西桂平人，（別傳）僞翼王石達開，由崇陽通城竄入江西，連陷

八府一州。【小祥】張禮周年之祭也。【三道規矩】（別傳）九年正月上奏曰：就數省軍務而論，安徽最重，計惟大江兩岸，各

置重兵，水陸三路，鼓行東下，剿皖南，則可以分金陵之賊勢；剿皖北，則可以分廬州之賊勢。北岸須添足馬步三萬人，都興阿李續宜鮑

超等任之；南岸須添足馬步二萬人，臣率蕭啟江張運蘭任之；中流水師萬餘人，楊載福彭玉麟任之。【西夷內犯】（別傳）英吉

利寇天津，科爾沁忠親王僧格林沁與戰，敗績，京師戒嚴，文宗巡狩熱河。【國荃】字沅甫，道光優貢，以平洪楊功，封一等威毅伯，官

至兩江總督，太子太保，卒諡忠襄。【衢州】治今衢縣，屬浙江省。【某】李鴻章自稱也，此文係代李作。【曹】舊山東曹州府，治

今菏泽縣。【米利堅】亦譯美利堅，即北美合衆國。【擄殺法蘭西領事官】擄，擊也。（別傳）先是天津訛言有迷拐幼孩，

挖眼剖心者，莫知所自始，衆意指目西洋教堂，無據。知府張光藻捕獲奸民張禽郭拐，訊供實掠賣子嚴辦，已民團旋得武蘭珍詞，引法

國教堂主三有授迷藥事，民數因是鬧門。三口通商大臣崇厚與領事豐大業約，集署會訊，於是百姓譁譁不止，豐大業無所發怒，即舉

洋槍擬崇厚，崇厚急起避免，豐大業亦起徑出。值天津知縣劉傑於途，又不爲讓道，益怒，復以洋槍擬之，中傷家丁。津民憤，環毆豐大業，

立斃，集衆毀教堂，誤連英、俄、美三國，西洋教民死者數十人，天津大擾亂。【韓歐】韓愈，歐陽修。【漢賦】指司馬相如揚雄所作。

【秦蕙田】字樹峯，無錫人。【戚元敬】名繼光，明定遠人，世襲登州衛指揮僉事。嘉靖中，歷浙江參將，陞福建總督，屢平倭寇。

會薊門多警，命以都督同知總理薊州昌平保定三鎮練兵事，邊備修飾，節制嚴明，軍容爲諸軍冠。萬曆間謝病歸，卒諡武毅，有練兵實記，葢戎要略，武備新書等書。【等威】左傳：賤有等威。注：威有差等。【善化縣】今併入長沙縣，屬湖南省。【於鑠】於歎辭，鑠美也。詩：於鑠王師。【刊】刻削也。【江】名忠源。【胡公】名林翼。【塔】塔齊布。【羅】名澤南。【王】名盒。【二李】續賓，續宜。【彭】名玉麟。【楊】名載福。【貫虹食昂】燕太子丹厚養荊軻，令至秦刺秦王。荊軻行後，太子相氣，見白虹貫日不微，曰：吾事不成矣。白起爲秦伐趙，破長平軍，欲遂滅趙，遣衛先生說昭王，益兵糧，爲應侯所害，不成，其精誠上達于天，故太白爲之食昂。【瘠】斂也。【守雌】老子：知其雄，守其雌。注：雄謂剛強，雌謂柔弱。【式蛙嘗膽】越王將伐吳，欲人輕死，出見怒蛙，式之。從者問故，王曰：爲其有氣故也。又置膽於坐，坐臥即仰膽，飲食亦嘗膽，示不忘其苦，志在報仇也。見（韓非子）及（史記）。【以生以訓】越十年生聚，十年教訓，二十年以沼吳。見（國語）。【江】亂也。【三藩】清初，封明降將吳三桂、耿精忠、尚可喜三人爲王，各擁重兵，康熙時議撤之，三桂遂反，精忠及可喜子之信附之，旋爲清所滅。【衡】山名，在湖南衡山縣西北。【扶輿旁魄】旁魄，與磅礴同。（韓愈文）：郴之爲州，當中州清淑之氣，蜿蜒扶輿磅礴而鬱積。【堯堯】高也。【詵】戲也。【崧高】詩：崧高維嶽。

女慰慈壙銘

王先謙

女慰慈，期有二月而字自庵先生之第三孫，又八月而殤。女生數月能言，秀外而慧中，問以家人居室，歷指不爽。聞予聲，輒歡躍叫呼，予亦逾時不見不樂也。每日斜抱至門外，對門牆上青草叢生，葱鬱可愛，女注視笑語，良久乃入。病劇數月，稍閒至門，猶視青草作笑態，而口已不能言，可傷也已！周氏婿少女六月，予頻過其家，紅裾繡襖，奉切扶勇手拜跪，旁人皆笑，予顧之而悲。予妻之孕女也，時盡室行大江中，或曰：是生也無根，易折，信邪？何以解於舟之人？殤以同治甲戌正月十三日，既厝矣，爲之銘。

女生置酒兮，予母懽醉。名女娛祖兮，慰慈其字。割而逝焉來何爲？予涼德兮召之，嗚呼！

似仿昌黎女挈銘，震川二二志，極纏綿悱惻之致。

【註釋】【期】周一歲也。【自庵】姓周，名壽昌，詳前。【殤】不成人而死也。【裾】衣前襟。【襖】小兒衣。【奉手】

（禮曲禮）長者與之提攜，則兩手奉長者之手。【割】裂也，此作忽遽之義。【涼德】薄德也。（左傳莊公）饒多涼德。